

Naluttarfik MALIMMI atuisunut siunnersuisoqatigiit ileqqoreqqusaat

§1 Siunertaq

Naluttarfiup atuisunut siunnersuisoqatigiivini ilaasortatut naluttarfiup ingerlanneqarnera pillugu atuisut naluttarfimmilu aqutsisut akornanni toqqaannartumik oqaloqatigiinnermut peqataanissaq qulakkeerneqassaaq.

Siunnersoqatigiit naluttarfiup aqutsisuinik siunnersuisinnaavoq, aamma Meeqqanut, Ilaqutariinnut, Atuarfeqarnermullu Ingerlatsivik naluttarfik pillugu pissutsinut tamanut siunnersuisinnaavoq.

Siunnersuisoqatigiit Meeqqanut, Ilaqutariinnut Atuarfeqarnermullu Ingerlatsiviup ataatsimiititaanit tusaaneqassaaq, aamma naluttarfik pillugu pissutsit tamaasa pillugit kommunimi attuumassuteqartut tamarmik ilanngunneqassapput.

§ 2 Suliassat piviusut

Naluttarfiup atuisunut siunnersuisoqatigiivi assersuutigalugu ukuningga suliassani piviusuni suliassaqarput:

- Ammasarfiit, kiffartuussinerit, naluttarfiit agguataarneqarneri, billetit akii, suliniutit nutaat, naammagittaalliuutit il.il. pillugit siunnersuisarneq.
- Naluttarfiup ingerlanneqarneranik pilersaarusionermut atatillugu, atuisut assigiinngitsut kissaataat pisariaqartitaallu pillugit siunnersuisarneq
- Naluttarfiup suliassaqarfiani suliniutit pillugit atuisunut ilisimatitseqataaneq
- Aningaasat kommunimit atoqqusaasut qaangernagit, naluttarfiup suliassaqarfiani atorsinnaasanik tulleriissaarineq pillugu naluttarfimmi aqutsisuinik kommunimillu siunnersuineq.

Suliassat siuliini taaneqartut suliarinissaannut siunnersuisoqatigiit atugassaannik, naluttarfiup missingersuutai qaammatikkuutaartumik atuisunut siunnersuisoqatigiinnut tunniunneqartassapput.

§ 3 Katitigaaneq qinersinerlu

Ileqqoreqqusat akuerineqarnerini, ataani piffissaliussat taaneqartut tungaannut, atuisunut siulersuisut naluttarfiup siulersuisuini ilaasortaasut, atuisunut siunnersuisoqatigiinni ilaasortaassapput. Tamatuma kingorna atuisunut siunnersuisoqatigiinni ilaasortat nikittartumik sulisussangorlugit qinerneqassapput, matumanilu ukiut marlukkuutaarlugit pineqarlutik, aalajangersakkat tullinnguuttut naapertorlugit ingerlasoqassalluni. Siulersuisuni ilaasortat marluk, Kommunalbestyrelsimut ilaasortaasut, 1. januaari 2016-imiit ilaasortaajunnaassapput.

Naluttarfiup atuisunut siunnersuisoqatigiivi tallimanik ilaasorta qarput:

- Nuummi Naluttartut Klubiannit – Nuuk Svømmeklub, ilaasortat marluk, naluttarfiup siulersuisuinit qinerneqarlutik. Ilaasorta q siulleq ukiuni akunnaatsuni qinerneqassaaq, siullermik 1. januaari 2018, ilaasortallu aappaa ukiuni akunnattuni qinerneqassalluni, siullermilli 1. januaari 2016
- Iloqarfiup naluttarfiani atuisut marluk ilaasortaassapput. Atuisut tamarmik atuisunut siunnersuisoqatigiinni ilaasortaanissamut periarfissaqarniassammata, naluttarfimmi tamanut allagarsiinikkut ilaasortaasussat innersuussutigineqassapput. Ilaasorta q siulleq ukiuni akunnaatsuni qinerneqassaaq, siullermik 1. januaari 2018, ilaasortallu aappaa ukiuni akunnattuni qinerneqassalluni, siullermilli 1. januaari 2016
- Ilaasorta q ataaseq Meeqqanut, Ilaqutariinnut Atuarfeqarnermullu Ingerlatsivimmit qinerneqassaaq. Ilaasortaasusaaq atuarfiit, meeqqeriviit, meeraaqqeriviit il. il. sinnerlugit aallartitaassaaq.

Ilaasortat qinerneqaaqqissinnaapput.

Tunngaviit qulaani taaneqartut naapertorlugit, atuisunut siunnersuisoqatigiinni ilaasortat Meeqqanut, Ilaqutariinnut Atuarfeqarnermullu Ataatsimiititamit qinerneqassapput.

Timersortarfimmi pisorta q taasisinnaatitaanani peqataassaaq.
Timersortarfimmi pisorta q taartaaluunniit siunnersuisoqatigiinnut allattaassaaq.

Atuisunut siunnersuisoqatigiinni ilaasortat tamarmik sinniisussaannik qinersisoqassaaq. Ilaasortap peqataasinnaannginnerani, sinniisoq aggersarneqarsinnaavoq.

Ilaasortaasoq atuisunut siunnersuisoqatigiinnit tunuarnissaminut kissaateqarpat, ilaasortap sinniisua ilaasortatut atuutilissaaq. Siunnersuisoqatigiit oqaluuserisassani immikkoortut ataasiakkaat eqqartornissaanni, atuisunut siunnersuisoqatigiit inuit ataasiakkaat suleqatigiissitanilluunniit aallartitat najuutsinnissaannut aggersarsinnaavaat. Taamaattoqassappat oqaluuserisassanut allanneqassaaq.

§ 4 Inissitsiterineq

Atuisut siunnersoqatigiivi ataatsimiinnermi siullermi qinersisoqareerneratigut inissitsissapput. Atuisut siunnersoqatigiivi siulittaasumik qinersissapput, aamma ilaasortat akornannit siulittaasup tullianik.

§ 5 Suleriaaseq aamma ataatsimiinnerit ingerlanneqartarnerat

Atuisut siunnersoqatigiivi ukiumut ikinnerpaamik arfinileriarlutik ataatsimiittassapput, taakkulu siunnersuisoqatigiit anguniagaannut suliassaannullu tunngatillugit inissinneqartassapput.

Aalajangiinerit amerlanerussuteqartunit aalajangerneqartassapput, tassani ilaasortat minnerpaamik pingasut najuutissapput, taamaalilluni siunnersuisoqatigiit aalajngiisinnaassuseqarniassammata.

Atuisut siunnersuisoqatigiivi suleqatigiinnik immikkut suliassat pillugit pilersitsisinnaapput.

Siulittaasoq ataatsimiinnissamut piffissamik sumiiffissamillu aalajangiissaaq, aamma atuisut siunnersoqatigiivisa allattaat suleqatigalugu ullormut oqaluuserisassat ataatsimiinnermilu imaqarniliat sularisassavaat, taakkulu atuisut allattaata nassiuussuutissavai.

Atuisut siunnersuisoqatigiivini ataatsimiinnissamut aggersaasoqartassaaq ullut arfineq pingasut sioqqullugit ullormut oqaluuserisassat tunniunneqarnissaat eqqarsaatigalugu. Immikkulli pisariaqartitsisoqartillugu siulittaasup ataatsimiigiaqqusissut siusinnerusukkut nassiuussinnaavaa.

Atuisut siunnersuisoqatigiivini ilaasortat tamarluinnarmik ullut arfineq pingasut tikitsinnagit allakkatigut ullormut oqaluuserisassat immikkoortuinik tigusaqartassapput.

Atuisut siunnersuisoqatigiivi taasisitsinikkut aalajangereeripata, taava taasinerup sammisassartaa, kiisalu taasinerit amerlassusaat isumaqataasut akerliusullu ataatsimiinnermi imaqarniliamut allaneqartassapput. Ikinnerussuteqartut piumasaqarnermikkut ikinnerussuteqartutut oqaaseqarsinnaapput.

Ataatsimiinnermi imaqarniliaq atuisut siunnersuisoqatigiivinit nassiunneqassaaq sapinngisamik ullut arfineq marluk ataatsimeereernerup kingorna.

Ullormut oqaluuserisassat aamma ataatsimiinnermi imaqarniliat tamanit atuarneqarsinnaassapput.

§ 6 Meeqqanut, Ilaqutariinnut Atuarfeqarnermullu Ingerlatsivik suleqatigalugu.

Atuisut siunnersuisoqatigiivisa aamma Meeqqanut, Ilaqutariinnut Atuarfeqarnermullu Ingerlatsiviup akornanni minnerpaamik ukiumut ataasiarluni ataatsimiittoqartassaaq, aamma pisariaqartitsineq malillugu. Atuisut siunnersuisoqatigiivisa suliat Meeqqanut, Ilaqutariinnut Atuarfeqarnermullu Ingerlatsivimmut saqqummiussinnaavaat, siunnersuisoqatigiit ataani suliat pigineqartuni sammisani tamani.

§ 7 Malittarisassanut allannguutit il.il

Atuisut siunnersuisoqatigiivinit malittarisassat Meeqqanut, Ilaqutariinnut Atuarfeqarnermullu Ingerlatsivimmit aalajangerneqartassapput. Atuisut siunnersuisoqatigiivi malittarisassap allanngortinneqannginnerani tusarniaavigineqaqqaartassapput.

Malittarisassat pillugit apeqqutit nalornissutaasut Meeqqanut, Ilaqutariinnut Atuarfeqarnermullu Ingerlatsivimmit aalajangerneqartassapput. Atuisut siunnersuisoqatigiivi aamma Meeqqanut, Ilaqutariinnut Atuarfeqarnermullu Ingerlatsivik malittarisassanut allannguutissamik siunnersuummik tunniussaqaarsinnaapput.

Kommunalbestyrelse atuisut siunnersuisoqatigiivinit oqaaseqaammik aasaqareersimaguni siunnersuisoqatigiinnik pilersitsinissamik aalajangiisinnaapput, taakku pissusissaq malillugu ingerlanngippata.